



Broj: 03-06-04-2779-7/22
Sarajevo, 07.03.2022. godine

SKUPŠTINA KANTONA SARAJEVO
Predsjedavajući Skupštine, Elvedin Okerić

PREDMET: Odgovor na zastupničko pitanje zastupnice u Skupštini Kantona,
gđe. Jasmine Biščević Tokić

Dana 31.01.2022. godine zastupnica u Skupštini Kantona, gđa. Jasmina Biščević Tokić postavila je slijedeće zastupničko pitanje:

"U obrazloženju Prijedloga Odluke o osnivanju Javnog preduzeća "Televizija Kantona Sarajevo" d.o.o. Sarajevo, kao razlog za donošenje Odluke, naveden je član 372. Zakona o privrednim društvima, kojim je propisano da "Sva privredna društva, uključujući i ona sa učešćem državnog kapitala u vlasničkoj strukturi, dužna su oblik, firmu, osnovni kapital i statut društva uskladiti sa ovim zakonom", te u skladu sa navedenim postavljam pitanje: koji je oblik postojećeg preduzeća usklađen sa navedenim zakonom, zatim firma, osnovni kapital i statut, odnosno koja je razlika i šta je usklađeno sa zakonom o privrednim društvima?"

ODGOVOR

Ministarstvo pravde i uprave Kantona Sarajevo ističe, da je pravni osnov donošenje Odluke o osnivanju Javnog preduzeća "Televizija Kantona Sarajevo" d.o.o. Sarajevo čl. 2. i 3. Zakona o javnim preduzećima u Federaciji Bosne i Hercegovine ("Službene novine Federacije Bosne i Hercegovine", br. 8/05, 81/08, 22/09 i 109/12), Odluka o klasifikaciji djelatnosti Bosne i Hercegovine 2010 ("Službeni glasnik Bosne i Hercegovine", broj 47/10) Odluka o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo Vlada Kantona Sarajevo („Službene novine Kantona Sarajevo“, broj 31/19), a član 372. Zakona o privrednim društvima ("Službene novine Federacije Bosne i Hercegovine", br. 81/15 i 75/21) je generalni pravni osnov za usklađivanje svih pravnih akata pravnih lica koji posluju prema navedenom zakonu.

Imajući u vidu, da je Zakon o privrednim društvima na snazi od 2015. godine, a kako osnivački akt nije usklađen sa odredbama ovog zakona, pristupilo se usklađivanju osnivačkog akta, i primjenjen je novi način izrade propisa.

Odlukom o osnivanju Javnog preduzeća "Televizija Kantona Sarajevo" d.o.o. Sarajevo, nije se mijenjao organizacioni oblik Preduzeća i isti nastavlja djelovati kao društvo sa ograničenom odgovornošću, zatim naziv firme se nije mijenjao i Preduzeće posluje kao Javno preduzeće "Televizija Kantona Sarajevo" d.o.o. Sarajevo, sa skraćenim nazivom JP "TV SA" d.o.o. Sarajevo,



osnovni kapital Preduzeća je nepromjenjen i iznosi 10.000,00 KM, a preduzeće je u obavezi donijeti novi statut usklađen sa odredbama navedene odluke, u roku od 60 dana od dana donošenja odluke.

Skupština Kantona Sarajevo donijela je Odluku o usklađivanju statusa Javnog preduzeća "Televizija Kantona Sarajevo" sa Zakonom o javnim preduzećima u Federaciji Bosne i Hercegovine na sjednici održanoj 10.11.2005. godine („Službene novine Kantona Sarajevo“, broj 33/05). Navedena odluka je: izmjenjena na sjednici Skupštine Kantona održanoj dana 04.09.2008. godine ("Službene novine Kantona Sarajevo", broj 30/08), zatim izmjenjena i dopunjena na sjednici Skupštine Kantona održanoj dana 03.09.2009. godine ("Službene novine Kantona Sarajevo", broj 25/09), zatim izmjenjena i dopunjena na sjednici Skupštine Kantona održanoj dana 05.09.2011. godine ("Službene novine Kantona Sarajevo", broj 22/11), potom izmjenjena na sjednici Skupštine Kantona održanoj dana 30.01.2012. godine ("Službene novine Kantona Sarajevo", broj 3/12), zatim izmjenjena i dopunjena na sjednici Skupštine Kantona održanoj dana 27.12.2012. godine ("Službene novine Kantona Sarajevo", broj 1/13) i na kraju izmjenjena na sjednici Skupštine Kantona održanoj dana 30.10.2019. godine ("Službene novine Kantona Sarajevo", broj 45/19).

Prečišćeni tekst ove odluke nije sačinjen, kao i u slučajevima svih ostalih odluka koja se odnose na javna i komunalna preduzeća, čiji je osnivač Kanton Sarajevo.


Osnovni tekst odluke iz 2005. godine sadrži 51 član, a Odluka o osnivanju Javnog preduzeća "Televizija Kantona Sarajevo" d.o.o. Sarajevo sadrži 62 člana, odnosno 11 članova više u odnosu na osnovnu odluku. Izmjenjeno je 25 članova, koji se uglavnom odnose na: preambulu, na povećanje i smanjenje kapitala; način finansiranja poslovanja preduzeća; imenovanje članova Skupštine preduzeća; način imenovanja punomoćnika; proširene nadležnosti Skupštine preduzeća; proširene nadležnosti Nadzornog odbora; proširene nadležnosti Uprave; postupak izbora, imenovanja, razrješenja Uprave; ovlaštenja izvršnih direktora; proširene nadležnosti Odbora za reviziju.

Prilikom obrade teksta Prijedloga odluke primjenjen je obavezujući način izrade propisa u skladu sa odredbama Pravila i postupaka za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj 71/14).

S poštovanjem,

Dostaviti:

1. Naslovu;
2. Stručna služba Vlade Kantona;
3. Evidencija;
4. U spis.



Darja Softić Kadenić